

教諭書謄錄
一

藝文館膳錄



教平安監司檢校直提學趙

成夏書
甲戌十月日

王若曰自妙齡而著宰輔之望出入十五年通班領
特旨而授屏翰之任坐鎮一千里名郡惟簡必慎
為衆所尊睠彼關西一區實我海東重鎮民物傳
仁賢之化地是檀箕舊都亭障枕夷夏之交路接
遼瀋古塞江山樓臺之現異允宜士大夫起居冠
蓋舟輿之輻臻決非小器局措置顧專制斯其難
也而委畀豈不重歟惟卿赫世簪纓華國黼黻由
國子而長瀛館宏博詞章歷知申而登奎華清切
地分居休戚之地而務謙約之操處卿宰之列而

敦儒素之風當上下際會之辰豈欲暫舍以中外
歷試之意此煩一行茲授卿云仁卿其執功綬民
黜陟懷保之各適蘓殘固圉恩威寬嚴之并施於
戲詹瑞雲於蓬萊卿應切北拱之戀照福星於牙
纛予則紓西顧之憂故茲教示想宜知悉

直閣尹用求製進

教廣州留守檢校直提學尹

滋惠書 乙亥六月日

王若曰捍一城而據要衝趙晉陽保障漢西京拱護
簡八座而隆委界宋北門鎖鑰唐列鎮分司蓋茲
守禦初必資老成留後顧漢南天塹重險為海

東巨鎮一方湖嶺華沁之控咽喉古稱三輔雄府
臺隍樓櫓之擅形勝地是百濟舊都三田之龜頭
迴瞻慨壁之雲唾四陵象設祇奉愴衣冠之月遊
備陰雨而護儲胥藉折衝威武之地闢污萊而惠
窮節須循良宇撫之才苟非望實俱隆之人曷膺
軍民兼摠務惟卿奕々簪組之胄溫々珪璋之姿
喬木承麻清儉則紹述先美藝林儲望文學焉適
用是宜再膺壁府冰啣真學士風度克贊廊廟石
畫賢宰相宿譽茲授卿以云々卿其祇服寵章庸
懋熙績士樂為用必待恩意而浹人城非不高要

以民和而固本羊叔子峴山表帶整暇規模趙閱
道成都鶴琴清高操履故茲教示想宜知悉

待教洪淳馨製進

教全羅監司直提學鄭範朝書

丙子正月日

王若曰西清儲冰蘖之望厥有之屏之翰之材南服
布棠茇之治克紹乃祖乃父之美庸畀方面宜惟
簡心睠茲湖南一區卽我海東重臬一十年佳氣
葱鬱猗歟沮豐之洪基五十州物產阜殷不啻荆
豫之沃壤關防之重要衝之會視諸路無與此焉
軍國之費公私之需廼一邦專資於是雖頻年水

旱之不酷倘無節屋之顛連奈近日海防之或踈
至有番舶之出沒所以蜀州之重任政須漢吏之
惟良惟卿珪璋特達之令姿簪組奕焉之華閥三
世侈奎華之誥擅鳳池之文章一代推喬木之家
服鯉庭之詩禮清峻通密之列殆遍歷敬恬雅通
鍊之才合試剝理茲授卿以云々卿其祇服寵命
益勉良圖懲汚獎廉宜盡黜陟之必正卹窮戢猾
所貴恩威之并行於戲攬轡澄清宣朝廷偃草之
化闔門威重董州郡求芻之功故茲教示想宜知
悉

直閣金永哲製進

教江華留守檢校直閣李喬翼書

丙子三月日

王若曰居留自宋朝而設安危緩急之攸特保障以
晉陽為歸折衝之可托庸循廟剡實叶予衷睠彼
水心雄都即是海口巨鎮山河金湯之固孫石祖
江最為關防城隍枕水陸之交桐府松京迭相拱
扼係是軍國要地必須文武全材惟卿簪纓偉姿
黼黻令譽詩禮儉約自成故家規模瑚璉資材夙
有宰相風度名實允副於清選長芹宮而叅佐鈐
衡地望既著於通班由蘭臺而歷散壁府茲授卿

以云々卿其祇服厥命往慎乃司於琴鶴相隨復
見趙閱道清簡表帶多暇亦想羊叔子風流高壘
談戎庶紓顧西之念孤城倚斗應切拱北之忱故
茲教示想宜知悉

待教洪淳馨製進

教開城留守原任待教洪

承億書丙子

王若曰陪京托藩翰之寄地是周二陝共治分司界
保釐之任官倣漢三輔出守何待僉舉惟簡予心
睽彼崧陽舊都寔我畿甸巨鎮控咽扼於黃海白
峙素稱都會要衝擅形勝於青石碧瀾實為關防

綦重邇來問閭侈而民生困宜思矯揉矧茲使价
頻而庫儲虛每煩供億唯卿先王外裔故家肖孫
名儉藝能夙著真學士儀範文學政事綽有老成
人典型膺壁府而超卿班眷注累篤歷銀臺而長
國子望實俱隆茲授卿以云々卿其祇服寵章勉
勉恢嘉績蚨穀甲兵々之務備克盡辟礪之方涵
絲保障之咸勤毋負委毗之意於戲竹橋駐節獎
風聲於千秋花潭式問採絃歌於當世故茲教示
想宜知悉

待教洪淳馨製 進

教京畿監司原任直提學李載元書

丙子八月日

王若曰此漢秩二千石委寄責成觀畿甸四十州承
流宣化蓋自拯理之初始必資威望之攸隆是職
也三輔通藩其地則一方鉅鎮金岡珠阜瞻攀列
聖之雲鄉軌涂鑰譙扼八域之星土即上游湊
會之處最為閔防之要衝值瘠壤歉荒之時政須
循良之字撫惟卿奎苑雅望王室懿親久叨銓衡
之任公平之令譽尚蔚夙膺保釐之責剴理之茂
績孔彰國耳忘家公耳忘身處地有別威而可畏
儀而可象名檢自持在予心污不私阿而特畀寔

由公剡茲授卿云々卿其祇服罷命克恢令猷往
其欽哉伏節旄而專制來何暮也攬車轡而澄清
故茲教示想宜知悉

待教洪淳馨製進

教水原留守原任提學朴珪壽書

丙子八月日

王若曰會耆英而傳誦夷夏粵稽宋元臣分司屈父
師而保釐郊圻爰遵周畢公故典不煩茲多誥庶
幾式克欽承睠新邑一府之初規定正廟万世之
達孝象設之仙寢密通制倣文王之作豐龍蟠之
佳氣鬱葱地符克聖之觀華昔鑿輅課歲而幸體

貌綦重於行宮居留猗衡斗如日斯臨警咳恍承
於真殿祇奉肆厥四都之稱首且況三路之扼咽
七十里翊輔神京屹然樓櫓之設險五千甲儲胥
雄府允矣綰輅之要衝今年之野青全無將奈先
大王遺庶前尹之茆黃方報孰為予小子分憂惟
卿面槐得與手梅居廟按廩旬宣之曆試藩郡已
久勞於王家文學政事之協贊廟堂可使聞於隣
國風流坐鎮雅俗謝太傅之安危踈襟進退志在
君民范希文之經濟宿抱以衮舄而資密勿夫豈
一二計哉付鎖鑰而仰老成尤非尋常比矣茲授

以云、卿其暫復論道之座勉恢作屏之圖一草
一本之於不忘克體前聖之布澤匹夫匹婦之皆
自獲可推古賢之存心訏謨推調元之餘無卑二
千石良吏仁術施活饑之際亦勝口四考中書於
戲園陵拱護之必誠不啻如朕親也曠戶綢繆之
永固聊以藉君重乎故茲教宣想宜知悉

檢校直閣金永哲製進

教

輔國崇祿大夫判宗正卿府事兼江華府留守鎮撫
使李載元書

王若曰

明王建邦設都尤念保障之重朝廷量才授任宜先

老成之人特撤九棘之崇班庸畀三符之華誥睠彼
水心雄府寔我海口巨防臺隍枕水陸之交天險是
設城池壯金湯之勢地利莫如舟楫甲兵錢穀帑藏
陰雨預備於牖戶樓櫓壁壘鎮堡關阨風雲長護於
儲胥秘石室於名山三郎古堞耀奎璧於外閣列
聖遺謨顧撫字非比於他營何周弊莫甚於近日軍
卒之餼料每縮吏奸益滋倉廩之庾積漸朽公用恒
絀苟非如張益州之清嚴宿望孰有整頓器之方必
也得寇平仲之文武全才可當掌鎖鑰之職惟卿銑
樹炳閎金華仙銜宗祊之休戚與同以丹心而報荅

宰輔之名位夙著自黑頭而歷駁掌中權而組練戎
 兵敦詩說禮居東銓而衡鏡人物登明選公著三輔
 按察之治口碑苑於活民東吏膺兩府留後之責心
 城屹於試士鍊軍萬機必藉於賢襄豈欲予之忍捨
 一面方急於鎮撫更煩卿而暫勞茲授卿以江華府
 留守兼鎮撫使卿其徃慎乃司祗服厥命縱有門柝
 之以待不無十餘年踈虞至若管轄之匪輕奚止一
 二事講究多筭決勝陶刺史之運甓治艮閣養威
 羊叔子之輕裘緩帶於戲北闕之彩雲不遠應隨時
 節之起居南樓之明月正佳何妨海山之嘯咏故茲

教示想宜知悉

務印行發館正字無經筵典經春秋館記事官奎章閣待教校書館正字知製

教臣趙哲九製

進

教崇政大夫經理統理機務衙門事 世子左副賓

客摠戎使閔台鎬書

王若曰中宸起鼓聲之恩予所注意者將城北界鎖鑰之重國之大事在戎綸音誕宣旌彩頓變惟卿篤忠貞而永耀竹帛業詩禮而克紹箕裘鑑吏兵之銓衡與共休戚按畿海之節鉞益勉旬宣彰藻采於綵綸黼黻潤色贊籌策於帷幄樽俎折衝出則修組練

之規尤係緩急所伏入而叅樞機之議矣但經法委毗睭茲摠戎一營寔是畿藩重鎮與沁都而相連水陸宛晉城表裏之形對廣府而自成輔車同漢室南北之制昇平日久軍容無一可觀癸亥年增餉備都擁虛簿茲授卿以云云卿其祗服寵命克恢壯猷蔚然有笠轂之譽宜整暇於輕裘緩帶隱若為干城之重庶措安於盤石泰山知卿酬報之忱靡職不舉以予倚毗之眷擇任何憂故茲教示想宜知悉

知製教臣鄭在晉製進

教輔國崇祿大夫判宗正卿府使摠戎使李景夏書

王若曰眷干城而倚毗誰可注意詰戎兵而總轄予
惟簡心爰推聽輦之思重勉鎖鑰之任惟茲畿甸重
寄最是摠戎一營作屏翰於上都鞏天府金湯之勢
并輔車於京輦備陰雨衆土之謨惟近日昇平之餘
或慮師律之漸懈非宿將威望之重無以閑防之益
嚴惟卿乃祖肖孫相門出將撫畿沿而莅兩都之巨
鎮出則邊戍無驚統武衛而遍五營之戎垣入而中
權是仗上林侈善射之譽早受知於先朝前席叅橫
經之任多備問於隻日茲授卿以摠戎使卿其祗服
寵命懋恢良籌指揮三軍可叅快於廊廟之上臆藏

萬甲且折衝於樽俎之間故茲教示想宜知悉

知製教臣張錫祿製進

教輔國崇祿大夫行知中樞府事無經理統理機務衙門事提戎使閔謙鎬書

王若曰

韜鈴久於御廂士卒甘苦與共。管轄重於畿輔壁壘精彩惟新。丈人師中將軍。枌外念茲。總廳重務。實倚戎垣。萬村廊廟。參樞機之謨。圖上方略。山河壯稜。概之勢折衝。俎罇建設。並峙於廣府。沁都陰雨。桑土節制。依倣於禁營。訓局風雲。儲胥顧此任固。不重歟。當是時屬之誰也。惟卿忠正介弟。文貞肖孫。長玉署而

掌兩鈐。黼黻贊猷之識。提水衡而統六衛。帷幄決勝之才。中宸聽聲之思。著績已茂。重任授鉞之選。眷注深深。茲授卿以提戎使卿其祇承寵章。克恢戎務。固鎖鑰而鎮一路。須寬惠之並推。肅組練而撫三軍。捨威明則難濟。峙糧繕甲。撫鳧藻之歡情。緩帶輕裘。伏虎藿之威勢。故茲教示。想宜知悉。

務功即行。奎章閣待教兼書館正字知製教侍講院說書臣閔泳韶製進

教

廣州留守沈履澤書

王著曰

保障哉。守我城池。不啻長子之富完。且近居留焉。為國屏翰。政須吉甫之文武兼全。惟彼萬仞高城。實是

一夫當阨。且置丙年之往事。自功乙夜之軫憂。扼嶺湖而天設咽喉。允為金湯重鎮。介沁華而地連唇齒。詎緩桑土備陰。五十里雉堞繞山。溫祚之據險如覩。數百年塲聚溢府完豐之建籌可徵。苟非入相出將之才。曷任前召後杜之責。惟卿瑚璉雅望。黼黻蓋臣。選翰苑而長銀臺。夙殫誠於出納。密運鎮宥京而莅湖。臬尚遺愛於保釐。旬宣茲授卿以云々。卿其克底茂功。祇服休命。特晉八座。峻秩允矣。翊王室。徃衛三輔。關防懋哉。畫郊圻。而展嘉猷。而固封守。於戲慎茲備禦。欽厥對揚。日紆籌策之地。寔優機務之稟裁。時伸

起居之班何勞夢想之邀慕

知製教臣

制表進

教慶尚監司尹滋承書

王若曰其與我共理西京二十石循良徒得君以治南甸七

十州巡察方伯為之表率宣第足以中遷睠彼島嶺

外一區最是鰈域內重泉城郭據山谿之險壯哉羅

韓舊都庠塾多絃歌之聲蔚然鄒魯遺教錢穀甲兵

之富於八路國家緩急之所須絲麻魚鹽之遍于一

邦生民羸紬之攸係蓋其物衆而地大所以任重而

選翰苑而長製臺風碑以表功德通於萬世

才難。田賦軍籍之紊亂。歲增劇務。何以酬應。海漕倉
還之好偽。曰甚宿弊。宜先矯揉。苟非廉直公平難任。
旬宣之責。時能奮發振刷。俾弛宵旰之憂。惟卿承詩。禮家
抱經濟志。懋嘉績而歷試州郡。治理綜明。膺華選而
參佐鈐衡。聞識淹博。湖南荷繡斧之命。風稜夙著於
激揚。寧西掌鎖鑰之任。威惠允孚於鎮撫。攷才藝而
參議。畫叶時望於國子。籌堂勉直清而竭忱。誠稱職
事於秩宗。藥院允合題名於殿柱。每欲寄重於藩維。
茲授卿以云云。卿其克恢良圖。祇服寵命。岳剡廷論
之俱協。豈謂外軫國計。民憂之與同。庸副上簡。念乃

祖尚有遺愛益勉世濟美之規
顧茲省素稱難治務盡時措宜之術出自八座卿月
地望所推去作一路福星天工其代於戲高牙大纛
宜為韓稚圭之光榮緩帶輕裘可想羊叔子之風采
卿其往矣吾且召之茲授教示想宜知悉

教

忠清監司李承五書

知製

教

臣申臬均製

進

王若曰

我與共治者惟茲二千石循良疇若予采乎睠彼五
十州雄鎮出自貳班卿月簡在予心去作一路福星
欽哉汝翼念茲湖臬管轄迺是畿甸藩屏物產饒杭
稻魚鹽惟江淮地理之美文學稱絃誦髦乂亦齊魯

天性之才習俗之古今不同正宜憇爰宣化守宰之
臧否或異方湏攬轡澄清肆宵旰九重之憂慎授方
面矧近日三政之瘼宜急察眉惟卿內閣寵裁贊相
肖胤恬約愷悌之本乎性實所受者存鍊達聰明之
周於事為何適不可惟鵠洲主組赫世可佇紹述有
光自翰苑簪筆著譽合試盤錯別利茲授卿忠清道
觀察使云卿其祇服寵命益恢良圖考績而務黜陟
嚴明無憚大吏施惠則在貧窮字恤先懷小民幃帷
征輪奈悵錦水之南渡裘帶倚斗應多瓊樓之北望
故茲教示想宜知悉

檢校待教臣宋秉瑞製進

教
黃海監司南廷益書

勅務方殷適巡按頒代之日藩寄素重肆特簡共理
之良茲撤貳品卿月之班庸作一路福星之照睠彼
海西管轄若古陝右封疆湊湊瀕瀕之舟車實是廿三
州都會控崧沁之襟帶抑為數百里要衝唐舶出沒
於金沙惟恐備禦之或忽燕輶往來於青石每患供
億之莫支凋弊莫甚於近年誰遴揀尤難於是任政
擔拯濟之責復盤錯之利惟卿令望圭璋赫世軒冕
蜚英爰在於早歲升華顯歷敷於聖朝懷峻秩而佐

銓衡利器而叅籌務竹符分憂於同省夙著黃霸之
治棠陰繼武於趨庭惟曰召公是似永縻雅操介然
士君子體裁金玉貞姿綽乎真宰相風度茲授卿云
二祇服寵命勉恢良圖勵俗恤民仰見風草之化修
堡繕械必軫雨桑之護緩帶輕裘羊祜之量閑雅登
車攬轡范滂之志澄清凡屬施為何待多諾其餘裁
稟自有典常於戲西陲之保障益完縱喜雪山之重
北關之起居卞阻應結玉樓之思徃其欽哉行且昌
矣

知制

教

徐公淳製

進

教全羅監司

書

王著

在朝端望峻才優方予保釐之倚重睠湖南物衆地
大煩卿藩臬之移除簡惟在心寄以方面惟卿銀潢
璿派金粹玉溫位宰輔而不改寒儒家傳清儉承祖
先而乃心王室世篤忠貞惟其材德之兼補蔚有名
實之俱備典圖書於奎署夙蜚英聲作屏翰於錦湖
早騰崇頌前後歷試之無適不可外內委毗之非斯
伊誰念茲咸羅一區尤慎觀察重任廟殿清穆漢豐
沛周恭沮土地腴饒夏荆揚宋江浙環封疆數千餘
里穀米絲枲野均輸刊守宰五十三州冠蓋舟車之

都會詢岳咨牧之職不其重歟起弊蘓瘼之才可謂
難矣不待廟剡予得其人歷數迁僚無出此右茲授
卿云亡卿其國耳公耳往哉欽哉赤芾慈衛出自八
座卿月輕裘緩帶去作一路福星申伯之世執其功
追先卿去思之績歐公之世與同樂副刊邑來暮之
情於戲薄賦輕繇益殫矯抗之策承流宣化其體付
畀之裏故茲教示想宜知悉

知製

教臣

製

進

教

咸鏡監司金有淵書

王著曰

王政以綏遠人最重外五百里奮武揆文臣職以宣

上德為先中二千石與我共理肆子既敷心腹煩卿
再典翰屏惟彼關北一方實我海東重地山河固於
魏國表裏壯三十里保障重於晉陽緩急為萬億
年計倚金湯之天作運啓龍興愴衣冠之月遊神護
象設互市之情偽難辨易啓爭桑之虞交倉之儲峙
皆虛無復蕝棠之策民生以蓼貍為利克軫弊源俗
習惟弓馬是嫻宜加憚壓顧其地不亦重地授是任
厥惟艱哉惟卿通班宏材巨室喬木立朝耻夸毗之
習志尚動慕古人居家懋簡恬之規被服一如寒士
而嚴明卿所自有惟忠貞予庸深嘉朝著有乏人之

歎宣宜九卿之外出邊墨有詰戎之青要籍二陝之
分治利器已試於盤根朝議僉諧於慎簡茲授卿以
云二寅承寵命申畫良圖牙纛重翻北門之鎖鑰尤
壯崇陰不改南國之遺愛尚傳攬轡勵澄清之思肅
霜稜於貪墨褰帷勤勞來之惠煦春陽於黔黎於戲
下鐵鉞於青冥白山增重布綸綍於玉塞黑江無波
行且召卿暫屈台斗之步徃執欽汝廢弛宵旰之憂
故茲教示想宜知悉

知製
教臣
朴奎燦製
進

教開城留守李憲植書

王若曰陪都托藩翰之重周畢公東土保釐分司膺簡

心之隆宋冠準北門鎖鑰瞻彼開城雄府自是勝國

故都舟車通沁澗之沿物貨商會之大都會襟帶壯

巔瀾之勝樓櫓亭隍之重關防訟獄多端蚩俗射鉅

刃之利供億難繼驛路織冠蓋之行嗟昔時繁華之

場至凋弊之

太甚在今日懷保之道宜須望實之俱優惟卿詩禮

古家簪組名闕歷國子而佐銓席聲望則隆起卿班

而長銀臺眷注也篤茲授卿以云云卿其克體委毗

之意益勉圖報之誠循士俗而無甚抑末措時宜而必

歸得中竹橋遺風崇節義於百代花潭舊蹟倡絃歌

於一邦故茲教示想宜知悉

檢校直閣臣朴鳳彬製 進

教忠清監司沈相黨書

王

若曰書載黜陟之明官是四岳重任詩稱屏翰之美
地惟百濟舊疆簡自予心徃哉汝翼瞻彼湖西都會
之地實為海東衝要之方田賦稱荆楊之饒粟米麻
絲供惟正俗尚等鄒魯之盛詩禮絃歌聲相聞控甸
服而綰轂相連路走三百里不遠挽近日而凋弊轉
劇故須二千石惟良惟卿忠孝名門文華餘事黑頭
躋宰輔之列所守者和緩謹勤赤心彈夷險之誠可

爰其通明鍊達出經幄而佩紱幾豎遺爰之碑按畿
輔而爰棠方著宣化之績茲授卿云々卿其祗服明
訓勉恢良圖地有公峽之互殊奚但宣風而察俗政
貴寬猛之相濟然後勸廉而懲貪課農桑而詰戎兵
既副卿手興學校而簡獄訟何待予言於戲朝海之
錦水洋洋同泳南州父老拱宸之朱樓者々每依北
斗京華故茲教示想宜知悉

檢校待教臣金用圭製進


教京畿監司朴齊寬書

王若曰夏九州之無外尊京名則制五百里甸漢三輔

之隆上覩國才政頌二千石良蓋此任最難其人在
廷臣疇膺斯逸睠茲邦畿千里實標準四方廿七朝
之日遊衣冠東西陵拱宸尤重卅六州之霧列襟帶
左右道管輅斯專海防則仁富隋唐萬國之舟車交
涉商辦山峽也楊砥永朔百計之粟麻嘉殖殷功通
來百弊之滋興矧今三政矯抗百姓不逞誰與足宜
分百里憂一民有饑由已饑每慮一路之哭梅閣之
貪如虎猛若懲則頌范滂澄濤之才節屋之哀此鴻
惟卿潘陽華貫戚畹名門霜明月淨之姿持心也廉
簡雪白冰清之潔處事則柔剛馳馬直聲夙播言於

圻服馴雉茂績尚遺爰於萊州謨猷旃綸已頌襄於
繡闥盤錯利器暫委寄於錦藩召公憩棠之風地豈
獨於江漢郇伯膏苗之兩人自得於湖山苟欲歷試
而責成何靳自近而揆任茲授卿云々卿其祗服寵
命克恢良耄暑怨寒咨蘓積瘼而勿以姑息為政家
喻戶說講賑策而必究實惠及時陟罰否臧之克公
不如不吐懷保困窮之是務勿擾勿煩體予簡心嘉
乃成績於戲丹陞隨冠冕之人依舊時端明兼卿黃
堂望檐帷之寡喜今日刺史按事徒得君重其注必
欽故茲教示想宜知悉

知製教臣高雲倣製進





This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint vertical lines and a small dark mark near the top right corner. The page is otherwise empty of text or illustrations.

八

